

Լ Ա

ՔՈՉԻՔԱՅԻ ՎԱՆՔԸ ԵՒ ԱՆՈՐ ՀԱՅ ՄԻԱՔԱՆՆԵՐԸ

1. Ո՞Ր կը գտնուի Քոչիքայի (Coziva) վանքը .

Ռուսազգի Դանիէլ կրօնաւորին Ուղեգրութեան համաձայն , Երուսաղէմէն մինչև Յորդանան քսան և վեց վերստ է . իսկ մինչև Քոչիքա՝ տասն և հինգ վերստ . ան կը գտնուի խորունկ հեղեղատի մը մօտ , ճանապարհին ձախ կողմը : Քոչիքայէն մինչև Երիքով հինգ վերստ է , և Երիքովէն մինչև Յորդանան՝ վեց վերստ : Հեղեղատը կը թաւալի սեպացեալ ժայռերէ կազմուած մթաստուեր ձորի մը մէջ : Այդ ժայռերու մէջ քարայրներ կան , ուր երբեմն կը բնակէին անապատականներ , որոնք հաստատած են հոն վանք մը , զոր Յոյներ կ'անուանեն Քոչիքա : Այս վանքը անգունդի մը վրայ զոգցեա ծիծեռնակի բոյնի մը նման կառուած է լերան կողքին :

2. Ի՞նչ անունով կառուցուած է Քոչիքայի վանքը եւ ի՞նչ է ծագումը .

Քոչիքայի վանքը սխալ սովորութեամբ մը՝ իններորդ դարուն Ս . Աստուածածնի , և յետին ժամանակներու մէջ , Ս . Գէորգի անունով կ'անուանակոչեն . վանքին արարական անունն է Տէյր ել Քէյլ : Վանքին մէջ , հին զարերէն սկսեալ , պատերուն վրայ գոյութիւն ունեցող Ս . Կուսի հօր Ս . Յովակիմայ պատկերները կը վկայեն թէ վանքը կառուցուած է անոր անունով : Յակորոս Առաքելոյն անվաւերական համարուած աւետարանին մէջ կը կարդանք թէ Ս . Կուսի հօր՝ Յովակիմայ անվաւերութեան և մօր՝ Աննայի ամուսնութեան պատճառաւ սրտաբեկութիւն մը կար Ս . Կուսի ճնողաց տան մէջ : Յովակիմ , երբ զո՞ մատուցանելու